

Staðfesting forsetans á skipulagsskrá fyrir „Minningarsjóð Sigurðar E. Guð- 5 mundssonar í Engihlíð“, útgefin á venjulegan hátt að mandatum af dómsmála- 8. jan. ráðherra 8. janúar 1946.

Skipulagsskráin er þannig:

SKIPULAGSSKRÁ

fyrir Minningarsjóð Sigurðar E. Guðmundssonar, kennara í Engihlíð.

1. gr.

Sjóðurinn heitir Minningarsjóður Sigurðar E. Guðmundssonar í Engihlíð og er stofnaður af Ingibjörgu Stefánsdóttur í Engihlíð í Austur-Húnavatnssýslu og dætrum hennar, þeim Vilborgu Guðmundsdóttur á Miðgili, Jakobínu Guðmundsdóttur og Elisabetu Guðmundsdóttur í Engihlíð, til minningar um Sigurð Einar Guðmundsson, kennara í Engihlíð, sem fæddist 11. marz 1893 og andaðist 29. apríl 1943.

Stofnfé sjóðsins er 3000 — þrjú þúsund — krónur.

2. gr.

Sjóðurinn afhendist Skógræktarfélagi Austur-Húnavatnssýslu, sem varðveitir hann og ábyrgist. Hefur stjórn þess stjórn hans með höndum undir umsjón og samkvæmt tillögum skógræktarstjóra ríkisins.

3. gr.

Markmið sjóðsins er að koma á fót skógargarði á þeim stað í Engihlíðarhreppi í A.-Húnavatnssýslu, sem stjórn sjóðsins og skógræktarstjóri telja heppilegastan með almenn not hreppsúa fyrir augum.

4. gr.

Til að hrinda framkvæmdum af stað er stjórn sjóðsins heimilt að verja allt að helmingi þeirrar upphæðar, er sjóðurinn nemur, þá er framkvæmdir hefjast. Hitt, sem eftir er í sjóði, þegar skógargarðurinn hefur verið girtur og í hann plantað, skal ávaxtað í Sparisjóði Húnavatnssýslu ásamt þeim gjöfum, er sjóðnum kunna að berast, svo framarlega sem þær eru ekki bundnar þeim skilyrðum að vera notaðar til framkvæmda strax.

5. gr.

Til viðhalds og aukningar skógargarðinum er stjórninni heimilt að nota allt að $\frac{2}{3}$ vaxtanna eftir þörfum.

6. gr.

Telji stjórnin, að sjóðurinn hafi fé aflögu til frekari framkvæmda í skógræktarmálum innan Engihlíðarhrepps, má hún veita fé hans til þeirra, þegar skógargarðurinn er fullgerður, enda komi samþykki skógræktarstjóra ríkisins til þess.

7. gr.

Stjórninni er skylt að halda gerðabók og innfæra í hana reikninga sjóðsins, sem séu endurskoðaðir með reikningum Skógræktarfélags Austur-Húnavatnssýslu. Síðan séu þeir birtir í Ársriti Skógræktarfélags Íslands ásamt skýrslu um starfsemi sjóðsins á ári hverju.

8. gr.

Leggist Skógræktarfélag Austur-Húnavatnssýslu niður, annast hreppsnefnd Engihlíðarhrepps stjórn sjóðsins, unz annar hliðstæður félagsskapur ris upp í sýslunni.

5
8. jan. Leita skal staðfestingar forseta Íslands á skipulagsskrá þessari.

6
8. jan. Staðfesting forsetans á skipulagsskrá fyrir „Minningarsjóð hjónanna Þóru Bergsdóttur og Bjarna Guðbrands Jónssonar, járnsmiðs, Þingeyri“, útgefin á venjulegan hátt að mandatum af dómsmálaráðherra 8. janúar 1946.
Skipulagsskráin er þannig:

SKIPULAGSSKRÁ

fyrir Minningarsjóð hjónanna Þóru Bergsdóttur og Bjarna Guðbrands Jónssonar, járnsmiðs, Þingeyri.

1. gr.

Sjóðurinn heitir Minningarsjóður hjónanna Þóru Bergsdóttur og Bjarna Guðbrands Jónssonar, járnsmiðs á Þingeyri.

2. gr.

Sjóðurinn er stofnaður þann 23. nóvember 1936 af samborgurum ofangreindra hjóna í tilefni af 80 ára afmæli Bjarna, og er stofnféð 80 — áttatíu — krónur, að viðbættum 920 — níu hundruð og tuttugu — krónum, sem er stofnfjártillag frá sonum hjónanna, sem síðar var afhent.

3. gr.

Sjóðurinn skal ávaxtast í Sparisjóði Þingeyrarhrepps á Þingeyri og stendur að öllu leyti undir stjórn sjóðsins „Minningarsjóður Auðar Vésteinsdóttur“ með þeim skilyrðum, ákvæðum og takmörkum, sem þessi skipulagsskrá setur.

4. gr.

Stjórn Auðarsjóðs skal árlega semja og leggja fram til endurskoðunar reikning minningarsjóðs ofangreindra hjóna, Þóru og Bjarna, sjá um, að hann sé ávaxtaður og honum úthlutað á réttan hátt, tekur við gjöfum eða öðru fé, sem sjóðnum kann að áskotnast, leggur það við höfuðstól og letur af hendi skilagrein fyrir því, samtímis ársreikningi Auðarsjóðs.

5. gr.

Tilgangur Minningarsjóðs Þóru Bergsdóttur og Bjarna Guðbrands Jónssonar er sá, að gleðja gamalmenni 65 ára eða eldri á afmælisdögum þeirra, og dvöl eiga á Elliheimili Auðarsjóðs eða annars staðar innan núverandi takmarka Þingeyrarhrepps. Dvelji á elliheimilinu önnur gamalmenni sýslunnar, má sjóðstjórnin og veita þeim afmælisglæðningu. Við úthlutunina ber þess ávallt vandlega að gæta, að farið sé eftir efnun og ástæðum, þ. e. þannig, að fátækum og unkomulausum gamalmönnum sé úthlutað á undan hinum, sem meiri efni hafa.

6. gr.

Ársvextir skulu leggjast við höfuðstól, og skal því framhaldið, meðan Elliheimili Auðarsjóðs er ekki komið á fót. Eftir þann tíma má stjórn sjóðsins verja $\frac{3}{4}$ — þremur fjórðu — hlutum ársvaxtanna til þess, er um getur í 5. gr., en $\frac{1}{4}$ — einn fjórði — hluti vaxtanna leggst við höfuðstólinn. Höfuðstólinn má aldrei skerða. Sjóðstjórnin skal halda bók yfir hag sjóðsins frá ári til árs, og skal þar bóka hverja þá gjöf, sem úr sjóðnum er veitt.